

平湖縣志卷十六

四品銜升用同知平湖縣知縣彭潤章修

人物

列傳二

國朝

陸濬睿字以愚號未菴明兵部侍郎長庚孫順治丙戌舉人授直隸宣府推官宣府古上谷地軍民雜處素稱難治前官皆用法繩之濬睿獨御以寬重辟鞏加世段大康性全等累訊不減察其冤出之所拔士姚永煦胡顯祖等一時售去塞外士習爲之振起悍弁徐洪志擅斃平民按之如律上讞忤撫軍意投劾歸郊居間放陶情詩酒十數年而卒生平所著彙成十刻行世後以子棻累贈

平湖縣志

卷十六

人物 列傳一

一

內閣學士兼禮部侍郎濬睿七歲喪母事繼母盡孝課諸子如嚴師姊適李而寡子天迎養于家終其身子世楷棻有傳

朱列傳高事功張仕

續王列傳

施洪烈字仲芳號寄廬弱冠受知學道洪承疇才名藉甚順治間以恩貢授廣東欽州知州欽地未闢教徒龍灘以自給署程鄉篆悉捐里長營辦費修復七賢書院既抵欽招輯流亡錄軍中所掠子女姓氏榜通衢俾眷屬領歸壤接交趾山海寇交訐加意綏輯民賴以安尋陞江南松江府同知知府李正華性剛嚴僚屬鮮當意一見推爲長者提督馬進寶焚而鷲呵喝文吏長跪如屬員定制行移不相統洪烈遂以客禮見抗不稍絀進寶心銜之設宴困以巨觥詰朝偵狀則洪烈已據案聽訟進寶氣折然卒爲所中

何永濠 陸光濂 張慶成 袁步先先弟附路

徐一麟 錢人杰 朱為弼子善附旂 朱為霖弟為附燮

蔣雲 楊于高 陸堯松 朱壬林

韓維鏞子潮韻附海均 陸錫智 丁泰 倪承弼

李泰壙 沈正楷子金附藻 張儀盛 徐士芬弟士錫附元

均錫附瀛 陸炯 陸沅 奚澄

徐應照子鼎附基 陸嗣淵 錢福昌 程恩溥

鮑錫年 卜葆鈞 張金鏞 吳若準

何紹瑾 朱善驥子之附穀 朱善張弟善附寶 王大經

徐申錫 張炳堃 謝榮照 倪寶璜

鍾鼎勳 孫錦 屈傳銜 朱壽熊

平湖縣志

卷十六

人物 列傳 目錄

平湖縣志人物傳目錄

列傳二

陸濬睿

施洪烈

陸世楷

馬紹曾

鄭龍光

倪聖生

元弟 附 籥

陸光旭

沈棻

陸洽原

陸楸

陸瑤林

邵延齡

倪思恂

楊燦

陸棻

高士奇

子 附 軒

顧天挺

陸祚蕃

子 附 鼎 揆

談允誠

子 附 紹 芳

陸煥元

陸瑋林

曹志周

陸炯

邵鳳起

沈岷

子 附 之 鉞

陸筠

沈崐

馬煥曾

沈皞日

姚宏度

馮干英

高輿

孫 附 澍

胡紹安

弟 附 紹 高

馬焜

盧生甫

楊標

平湖縣志

卷十六

人物 列傳 目錄

一

嚴思位

子 附 崇 禮

顧麒錫

胡馬璣

金南鏌

孫 附 樹 屏

倪見龍

施宗遠

鍾彝

陸奎勳

陸綸

子 附 錕 周

楊翊時

馮巨欽

張鍾秀

陸培

子 附 錫 周

陸汝欽

高衡

沈廷陞

林鏞

吳嗣爵

張鈞

袁安

牟江歷

許時杰

屈學洙

袁珂

弟 均 附 子 鑄

程本毓

李青

徐鴻昇

陸紹曾

胡涵

馮廣譽

周錫龍

錢大經

施峻

沈初

子 附 均 生 蘭 蓮

陳嗣龍

陳朗

徐志鼎

吳璫

子 附 公 謹

陳循古

屈爲鼎

屈樹榮

沈學詩

楊馥孫

罷歸年七十一卒洪烈當謁選時貸重債贖故友之妻江氏及其子楊福還里自鬻產數十畝以償慷慨急人難其天性也所著有粵遊觀海雄遊天中諸集

橋李詩繫云寄廬初授欽州牧時粵疆未定乃依幕府流寓五羊城衣敝不完

并日而食幸以詩見重李撫軍稍稍得衣食一日藩邸張謙羣吏紛集而王所召客惟一施欽州曰今日非宴下吏重詩人也罷歸

後著有詩史集晚年西平知縣沈棻延至署中命其子季友受業焉 朱列傳高事功張仕績王列傳

陸世楷字英一號孝山晚號錮翁長庚曾孫

王作孫誤從府于志

順治丙戌

拔貢授山西平陽府通判甫至姜瓖搆亂遠近蜂起平陽被圍世楷登陴固守百日而城卒全旋誘降其魁李建泰釋其黨師已而大飢人相食爲粥賜給全活甚衆遷山東登州府同知海寇張名振揚帆猝至將逼城下立設守具率舟師禦之寇乃逸去時叛帥海時行剽掠州縣獨戒勿犯境登有嫠婦夜爲盜所殺鄰里計其

### 平湖縣志

#### 卷十六

人物 列傳一

一一

媳有所私慮事露殺姑滅口世楷時攝縣事察其寃禱於城隍神卒得殺人者丙午陞廣東南雄知府時百粵初平平南靖南兩藩王並駐廣州羽檄不絕於道部將更替出嶺一日篋死七人世楷馳見帥論軍士罪有戴孔雀翎者二人入始興山自稱平藩侍衛發民鑿礦民盡恐世楷往詰曰王雖尊不得擅役吾民今不使太守知詐也遂縛二人送廣州王不敢問黠僧指南暱於藩倚勢爲虐世楷計縛之斃諸杖民以爲快嶺南俗好訟世楷曲喻以理赴愬者漸息暇築天峯書院課諸生溫鏐王灃等月給其廩先後售去甲寅丁外艱去郡老稚遮道不得行立祠府治東士民春秋社祭服闋補思州值

王師凱旋軍馬綿繹府舊設平溪清浪二衛後劃歸湖廣而站夫猶

循例派協世楷請於上官得免繼遭旱稞斗米二千錢吏請開徵  
秋稅世楷不可民德之輸者過半未幾以病引歸生平遇人和易  
恂恂似不能言義所不可雖權要莫奪歸而貧窶不殊寒素讀書  
之外足不入公府著有越吟秋吟晉吟齊吟各一卷嶺外思陽集  
種玉亭詞踞勝臺詞南雄思州府志子奎勳有傳樵李詩繫云孝  
山詩格直追開  
寶合雅歸風不獨爲湖中領袖也  
朱列傳高事功張仕績王列傳

馬紹曾字覲揚明太常少卿德澧孫順治己丑進士選庶吉士授  
翰林院編修甲午主考江南徐元文汪琬秦松齡莫大勳等皆出  
其門轉山西岢嵐道副使舉卓異陞福建督糧道參政時閩省方  
用兵徵調如織尅期給發兼攝水利驛傳鹽法諸篆有肆應才總  
督李率泰深以爲能擢河南按察司內陞右通政使歷工部左右

## 平湖縣志

### 卷十六

人物 列傳一

三

侍郎一月三遷異數也尋左遷通政司參議轉兵部督捕堂理事  
官陞都察院右副都御史晉刑部左右侍郎戶部右侍郎奉

命清算畿輔賑荒錢糧勞瘁乞歸年餘暴卒

朱列傳高事功  
張仕績王列傳

鄭龍光字兩爲順治己丑進士授廣東南雄府知府進士無初任  
郡守者時從三藩征粵葢特典也雄爲兩廣門戶地初闢百姓離  
散軍旅來往無虛日龍光剔奸除蠹扶弱存孤民倚賴之嘗履畝  
省荒過五羊嶺前有虎負嶠衆莫敢進龍光曰昔劉昆爲治虎北  
渡河今太守以勸農入山虎曷爲來哉叱馭驅之虎遁去以一童  
二僕自隨客投謁無所拒至其署見其清素無敢以私請者郡有  
太平橋稅故事府廳分季監收府實操其歲會龍光讓之三廳而  
已不與藩弁客兵爲地方害力請兩藩懲治賴建和劉志德等奸

猾屏息平田司黃石寨草賊盤踞出肆劫掠詳會虔兵合勦除之

自兩藩入粵郡佐以下官多納賄署任民不勝其脔削龍光劾逐

王奠基伍其清等十數員雄人快之順治丙申舉卓異

賜蟒袍一襲陞西甯副使清操惠政一如治雄時尋謝政歸

朱列傳高事功張仕績王

列傳

倪聖生以歲貢歷杭州府教授有金汝勵繆沅二人受李自成僞

職三學諸生公憤欲逐之當事命察諸生姓名聖生不報掛冠歸

從弟籛元字府一順治己丑進士授湖廣蘄水縣知縣捐俸代償

積逋性恬靜不善事上官尋罷歸

朱列傳高事功張仕績王列傳

陸光旭字鶴田號屈亭順治壬辰進士授順天保定縣知縣癸巳

大水決隄衝突為患光旭築堤捍水民呼陸公堤已而大疫繼作

### 平湖縣志

### 卷十六

人物 列傳一

四

賜藥療治全活甚眾歲饑捐俸作糜以賑署中食或不給擢陝西

道御史奏請免霸文保三州縣荒地錢糧

請蠲糧疏臣惟則壤定賦計畝均輸在國家歲

取之徵亦屬小民樂輸之稅未有桑田已變滄海而徵徭猶隸版圖如霸州城南之地保定縣河北之田文安縣東窪等處者也據三處之地勢處堤外在前朝止有琉璃河水道故十年五潦以五年之收賠五年之潦民止勞其力而未嘗盡其才尚可支持自順治十年間渾河南注從霸州城根達口村而赴東洵渾波所過蕩為巨津而三處之地皆成水府淵深不測一望汪洋數十里千頃之良田久已問諸水濱矣臣初任保定縣時嘗從保至霸艤舟而過見浩漭無涯荻蒲連渚漁人網集鷓鴣成羣三州縣困苦窮民每環聚而泣訴曰此卽在昔桑麻衣食之畎畝也此卽於今歲徵季納之錢糧也此卽十年來賣妻鬻子賠累無窮之谿壑也臣目擊其狀不禁悽然欲絕夫以十餘年不見尺土之處而賠十餘年分毫不可少之糧以三州縣災荒皮骨之民而出百千兩無地無收之稅其不轉徙流亡顧可得乎嗟嗟縱有籽粒將布種之無從縱欲力耕將開墾之何日望洋而歎徒切呼天搶地之情伏念

皇上軫恤災黎無所不至卽一年水旱尚且帑金發賑蠲詔屢頒首重畿輔之民以為根本至計今三州縣以十

餘年湮沒之地令其仍列計籍一例輸將臣知睿慈必有大不忍於此也臣非不知司農仰屋之際何敢遽為請蠲但有民

方有地有地方有賦以臣身親其苦而不為呼籲請命非所以仰承多寡暫為蠲除俟有地可墾之日再行起科則畿民時議罷巡之困稍蘇而自近及遠無不戴之皇仁浩蕩矣

### 方光旭復上疏言

議巡方疏竊惟人臣之義公爾忘家

其不可而不言此為私則不得明知其不可言無不盡若一人之可以為可此為畏勢徇私則不得明知其不可言無不盡若一人之可以

臣工中之罪人非盛世所宜有也臣閱邸報切見近者兩可所議停工之罪人非盛世所宜有也臣閱邸報切見近者兩可所

永為定制二議各持所見何者實為有益未詳議事一關大滿漢不得膠執成見務求歸於至當著公同再加詳議一具奏欽

此仰見我執成見務求歸於至當著公同再加詳議一具奏欽務使滿漢諸臣公議允協以萬里所以慎重巡方者至必當

仰體後已乃長安關傳本月二十日會務求有利國家至當不移而後已乃長安關傳本月二十日會務求有利國家至當

升堂入室安坐從容主後議者惟聽待於二門之外及至議出畫題而議稿已成盈庭嘯呼不敢為異即有二三大臣因公持議亦

置之不論議之盈庭嘯呼不敢為異即有二三大臣因公持議亦議而諸臣出於獨斷矣惟出而吁嗟歎息而已是諸臣之膠執而

巡方一官何足惜但念膠執成見而皇諸凡一應重執愈甚情無不憑堅諸

## 平湖縣志

### 卷十六

人物列傳二

五

臣之會議倘事君父則天下事尚可言哉國是而快偏私者甘

徇情面而負君父則天下事尚可言哉國是而快偏私者甘

所不便者惟言外吏貪所不便者惟言外吏貪所不便者惟言外吏貪

非一朝一夕矣而諸臣必欲去之當必有藉以戮臣力何敢深論但今時

猶多故夕矣而諸臣必欲去之當必有藉以戮臣力何敢深論但今時

惟撫按是賴督臣總要而巳外去之其為疆撫無弭戢者

貪墨無人參劾欽無要人審理以及贖之損督課民隱之

難上通利弊無興革孔亟撫臣專行省中誰為佐其不逮而

分猷合算親咨利病而密陳機宜是實關天下之安危一人之慮

有不得念及此也況朝廷之設官非一天下之獨安方一職既

設而屢停亦屢停而皇復早者無由於下議可復者無不出於

洞見上方之聖鑒亦應早復而燭矣如諸臣之議則當去其偏或

可以去其官如法有未嘗更其法如何以廢其可通也日賄賂

尊如耿焯亦未嘗隱言亦未嘗更其法如何以廢其可通也日賄賂

有不行也則多金如法有未嘗隱言亦未嘗更其法如何以廢其可通也日賄賂

疑此真跡而廢食之國是也臣有以關遂隱忍而不敢言身謀雖然善而避嫌

國之罪更大矣伏願 皇上凡軍國重情用人出政關係民社例應會議者悉召滿漢諸臣於御前令其各抒所見互相質正可否一聽於 宸斷庶幾 天威在上私議難徇確見良策可以自展則真是真非自有一定之權衡其所關於 國計之大非 奏入 淺鮮矣

章皇帝優容之尋遷分守冀南道釋罪平刑獄無冤繫聞保定復罹決隄

之厄遣使賫金分給窮民保人立祠祀之考滿第一等乙巳告終養歸服闋補江安糧儲道生平讀書好奇博兼涉佛老後因爲所累未竟其用遂卒著有屈亭遺稿 朱列傳高事功張仕績王列傳

沈棻字子佩號藕菴順治乙未進士授河南西平縣知縣初下車灌莽蔽天巷無居民倉廩多積逋棻設法招流亡給牛種諭以歲豐取償免其息民襁負至墾荒地數百頃又許以布粟代稅卽束麻擔草亦瑣細不憚煩歲募河夫多逋逃患乃按貧戶充役民喜

### 平湖縣志

#### 卷十六

人物 列傳一

六

得食且以工價完逋稅率先赴工工易竣邑衝徭役不時豪強隱蔽多偏累棻按戶均點一年止役一日歲有餘夫甲辰飛蝗遍野獨不入西平境治聲爲中州第一邑有山曰嶮岬因號嶮岬外史時開府婪惡棻強項不爲屈羈俸十餘年卒于官年四十七西平土民建祠北郊祀之著有柏亭稿藕菴尺牘詩體明辨文體明辨西平縣志子季友有傳 朱列傳高事功張仕績王列傳

陸洽原字嗣開號話山順治辛卯副榜甲午拔貢授四川汶川縣知縣汶羌番錯處時遭張獻忠殘殺後邑境蕭然洽原招流亡勸開墾省徭役息訟獄學宮縣署關堡索橋諸役以次畢舉內艱歸遂不赴補族有景賢祠洽原主之祠規獲整邑重建明倫堂首定

議均輸年八十卒著有話山集

高事功張仕績王列傳



陸楸字林士號匏湖順治甲午副榜選授直隸盧龍縣知縣盧龍屬兩京孔道輪蹄蠶午且多宗室貴戚莊旗人例不得用笞杖乃削木挺挺之兵弁有強買者輒捕而置之獄于是咸震懾不敢動官署蕭然如禪寮旅舍有僧以佛事請之府府笑應曰而欲我屬之典朝衣縣令耶卒以強項忤上官被劾即步行出署及束裝惟來時敝篋傘屐而已楸于經史無弗窺獨好楊子雲書其詩文劂削町畦穿穴險固造于峻潔而止及卒有詩訣親友曰而今一枕繩牀好方是人間歸去人著有鵲亭集行世

受中編云楸學問古奧嘗作盤面人詩奇

字難讀性徑謹終身無疾遽之色雖曰遊處者未嘗褻生平不忽卑幼之喪其堂從頗繁出而吉服者蓋鮮焉

高事功張仕績王

傳列

陸瑤林字以攻順治戊戌進士授江西金谿縣知縣性慈惠尚德

## 平湖縣志

### 卷十六

人物 列傳二

七

化時陳丞因漕務逋公帑繫獄代償得脫又爲貧民償積逋澤被最厚迨親老辭歸以圖書翰墨爲緣著有聽松軒詩集九畹閣詩

### 餘三卷

高文苑張文苑王列傳

邵延齡字大年號靜山順治辛丑進士除內閣中書逆藩吳三桂反西南用兵同官某當隨征延齡以其母老毅然請代參畫軍事多奇中爲靖逆侯張勇陳平蜀方畧勇悉資之從軍還遷刑部郎中多平反督學江西歸里卒著有耐軒全稿

高事功張仕績王列傳

倪思恂字宏方由選貢任金谿丞少負膂力康熙十三年耿逆遣僞將圍金谿思恂躬率民兵多方捍禦逆將薄城思恂復仗劍先

### 驅督戰死之祀名宦

高行誼張仕績王列傳

楊燦字葵齋康熙甲辰進士授直隸清豐縣知縣時征蜀兵駐郊

外燂營芻芟絕不累民有孕婦驟死未得毆者名燂齋宿城隍廟

夢兩月在天一婦抱嬰孩哭訪拘李閏月者一訊即伏罪時頌神

明嘗修邑志勤季試入為御史疏陳祀事之重糾陪祀九卿又請

廣正途遴選風裁矯矯酌復鄉會試額疏竊惟帝世闢門以來三

續承令緒兼以聲教四訖網羅英俊亦既不一其途矣然士子學

古入官家修廷獻凡經國治民之畧大約自辟雍庠序廣勵中得

之者多也查制科原額世祖章皇帝時鄉試中式直隸一

百六十餘名廣至二百餘名其外大省中省小省一百二三十名

至八九十名不等會試中式三百名廣至四百名時因需才孔亟

可云極盛及順治十七年間奉旨裁半我皇上嗣

登大寶仍照減額舉行未之有改而吳逆變亂以後捐納例開更

勢若積薪自宜從減近者車書一統海宇式廓亘古未有雖現在

銓司尚不乏人而按期選用豈無隨時淘汰之虞且捐納已經停

止漢軍廢監投誠等之應補者皇上詳慎官方又不輕授

一員則轉盼晨星所宜預計又近奉俞旨各直省恩拔送

監者每州縣學一名府學二名計不下千有餘人功令方新

學臣俱不敢不拔取真才以仰承聖意而士子亦聞風興

起莫不欲奮志聯鑣漸登仕籍但查國子監皿字號南北卷應中

平湖縣志

卷十六

人物列傳一

八

四十餘名倘仍如現行定例則除貢監舊額外為數無多其能無

長材淪落之慮乎推之各省似有同然伏乞皇上特啟聖

心勅查舊例量增直隸中額其餘亦照省分之大小不拘多寡稍

行酌復而會試亦為推恩量擴則於國家之所加費用者

有限而得人以備師濟之選者無窮也至於童生入學各直省已

經歲試一週今科考方行彼寒窗之吟唔待試者望恩更切

倘蒙皇上推念前此之進額甚廣今既停捐納亦量增數

名以宏皇上一體崇文重儒之至意則德教更無涯矣

尋以母老陳情歸宦橐蕭然高事功張仕

陸棻原名世枋字義山號雅坪長庚曾孫王作孫誤年十六入都

育於順誠伯固山馬某家馬器重之既長歸補邑庠生入國學以

高等授內宏文院中書登康熙丁未進士尋管內秘書院典籍已

未舉博學鴻詞科改翰林院編修充明史纂修官撰成祖本紀及

漕河水利諸志旋陞贊善歷典福建鄉試順天武鄉試得人最盛

上嘗召棻至乾清宮閣內賜坐出五臺金蓮花命賦限韻援筆立就

上歎賞不置甲戌試翰詹諸官八十九人於豐澤園

上親擢萊第一諭曰連次詩文並無出汝右者而從前薦引並未之及始知上聞故多壅也一日七奉

旨歷庶子講讀等官陞內閣學士兼禮部侍郎充續修唐類函總裁三朝國史平定方畧會典一統志副總裁嘗在內閣一日批紅本七十有奇長至奏勾決本請出矜疑二十餘人後一年告歸生平舉止有常度和易簡坦居顯貴欲然不自足與人交不媿妯而親人皆信之益都馮相國銓嘗曰吾於近人多疑事而獨不疑於義山其爲時欽服如此幼聘楊氏及在旗順誠伯將爲問名侯氏總兵黃某亦欲以女妻之時歸期末卜萊以不負楊氏力辭順誠伯高其義性孝友伯兄世楷先歿萊竭志承歡無倦遇地方利弊籌畫周詳

### 平湖縣志

#### 卷十六

人物 列傳二

九

族黨有寄金者死遠徼其子歸封識如故還之卒年七十著有雅坪文稿十卷詩稿四十卷詞譜三卷應試進呈詩文合刻一卷雜

著若干卷

高文苑張文苑王列傳

高士奇字澹人號江村先世餘姚人初補杭州府學生員係籍錢塘康熙辛亥入國學考取留翰林院辦事乙卯設詹事府士奇授錄事尋陞內閣中書入直

#### 內廷朝夕侍從

恩寵日隆錫賚優渥己未陞翰林院侍講京師夜禁嚴嘗下直漏深特勅禁旅騎校送至寓所日以爲常歷詹事府少詹己巳歸里始家平湖甲戌起補原職充明史館纂修官丙子厄魯特噶爾丹叛上親征者三士奇輒從瀚海交河周旋盡瘁磨盾草檄皆倚馬立就丁丑

卮魯特平以母老乞還

上召見暢春園親賜金卮酒諭曰爾非軍功戰陣而以文字事主始終梗直謹慎朕甚嘉賴之既歸

恩禮有加卽家陞禮部侍郎兼翰林院學士加正一品士奇出入禁闈二十年小心謹密未嘗言及溫室樹嘗充春秋講義總裁大清一統志政治典訓副總裁策府圖書編摩最富善鍾王小楷工詩尤長應制體論者與桐城張相國英並稱精賞鑒凡法書名繪彝鼎琬琰經拂拭者聲價十倍生平事母至孝居鄉謙和約束家人甚嚴配傳夫人歿終身不畜姬妾癸未春

上南巡士奇隨

駕入都是年六月歸里卒年五十九

平湖縣志

卷十六

人物 列傳一

十

賜祭葬諡文恪著有春秋地名考畧十四卷左傳紀事本末五十三卷松

亭行紀二卷扈從西巡日錄一卷金鼈退食筆記二卷江村銷夏

錄三卷編珠補遺二卷續編珠二卷三體唐詩補注六卷

入四庫全書

左傳姓名同異考四卷左國穎八卷注左傳類對賦一卷天祿識

餘十二卷扈從東巡日錄二卷塞北小鈔登岱恭紀扈從西山詩

北墅抱瓮錄各一卷柘西閒居錄八卷讀書筆記十二卷隨輦正

續集十一卷城北集八卷苑西集十二卷歸田集十四卷獨旦集

六卷四明山題詠一卷簡靜齋集唐悼亡詩二卷獨旦詞一卷田

間恭紀一卷清吟堂正續集二十一卷竹牕集二十卷經進文稿

六卷蔬香詞竹牕詞各一卷唐詩揆藻八卷唐詩小補一卷子輿

軒輿有傳軒侯補京府通判

高文苑張文苑王列傳

顧天挺字松來號蒼巖康熙庚戌進士授河南滎陽縣知縣釐剔

豪強侵佔以均田賦歲饑捐賑軍役不以擾民內陞中書乞養歸

時從陸清獻講學校刊學部通辨清獻稱其有衛道功著有蒼巖

集府于志  
循吏

陸祚蕃字武園明福建布政使懷玉子康熙癸丑進士選翰林院

庶吉士改授雲南道御史時議蘇州設駐防滿兵祚蕃上疏言請酌

駐防緩急疏從來用兵莫先於辨形勢故地當險要必須屯設重

兵以為思患預防之計而無事之地不與焉蓋無事之地多設一

兵則要地之兵力反為之分而又為之移節往來使士卒有奔命

之苦地方有供應之繁則不特兵分而餉亦絀方今征討四出司

計者仰屋而籌總計天下正賦雜項錢糧尚虞不給倘能省一無

益之兵即省一必需之餉省一處無益之餉即可養一處有益之

兵此所謂拔本塞源較之紛紛議生議節者相去固甚遠也目下

見在用兵之地勤撫兼施請兵增餉不一而足臣書生未諳機宜

不敢輕議以瀆宸聽至如江南蘇州一郡地非巖疆奸無

竊發以言乎濱海之區則崇明有提督矣松江有提督矣以言乎

上游之勢則京口有將軍矣江甯有重兵矣何事多此一旅空糜

芻茭也撫臣當閩逆初變徽郡未定之時人心風鶴請師暫鎮以

防肘腋之虞今浙東漸次底定閩逆不難蕩平而內地州縣依然

養兵不用徒令逍遙河上戰不耕此何為者也雖向來駐防之

兵近日已經調發又旋移京口之兵以實之移上游有用之兵置

之無用之地督撫身在地方止從一隅起見但天下大勢當權緩

急若如此內地而悉煩兵以守之其糜費為何如哉若謂弭盜安

民必須網繆捍禦則自撫臣管兵以來地方有經制之兵標下有

額設之卒其間材官技士自極一時之選獨不可藉為守禦之資

顧必動煩禁旅耶臣請皇上勅令該督撫不必以從前題

請為嫌確議應否可撤如需兵進取或楚或閩即宜就便調發則

一轉移間而兵有實用餉不虛糜未必非籌時節用之一端也

平湖縣志

卷十六

人物列傳一

十一

奏入

詔報可尋又上歲終核實疏時論謹之

歲終核實疏竊自軍興以來供億

無不志切同仇俱期滅此朝食雖捐糜頂踵以報朝廷尚所不  
辭至區區稍增租賦仰佐持籌尤分誼所當急効者也康熙十五  
年間戶部覆准科臣張惟赤軍需方虞匱乏等事一疏令官員鄉  
紳於錢糧正額之外加徵十分之三所徵無多而軍需有助行之  
年餘固已輸將恐後但仕籍既有變更田土不無買賣況州縣未  
必皆賢如或偏庇因循勢必漸滋流弊更田土不無買賣況州縣未

諸仕籍凡一歲之內身故者不在仕宦之列矣是戶下之田亦宜開  
夫其人既經革職身故則不在齊民之列矣是戶下之田亦宜增  
除其人既經復職則不在齊民之列矣是戶下之田亦宜增  
課此仕籍之變更所當急為核定也再稽諸田賦一歲之內宦  
田之售於平民者有之民田不當仍混於賦之中此田土之買賣於  
平民即宜改為民田而不當仍混於賦之中此田土之買賣於  
即宜改為民田而不當仍混於賦之中此田土之買賣於  
為清釐者也如以開除太多恐現在宦田之額將來或致虧損殊  
不知革職已故之官與還職之官其人數原足相當則田數豈有  
增減況由衿民而登仕籍者歲益而日增原無缺額之患也至於  
人之貧富各有其時則田之買賣宜從其便故宦田之數少而所  
民產亦可變為宦田截長補短自無盈虧此後所銷之數而於更  
補之數多皆未可知特慮為有司者或拘初報之定額而憚於更  
正或任吏胥之操縱而失於稽查將使貧宦欲棄之田產人畏宦  
戶之名遂巡顧慮而不敢買富紳新置之膏腴暗藏民戶之下規  
避隱漏而無可稽雖逆擊指曰蕩平停止之期不遠但事關課賦  
不可使一日有偏枯不均之弊此臣所有總總計也伏請  
皇上勅下該部及今通行各省令督撫嚴飭有司確加查核應  
開除者即為開除應增補者即為增補於歲終彙報照額徵收一  
乘至公無徇情面如有任意偏私或聽吏胥需索增除不實及因  
循怠玩者督撫立時指參悉照定例處分則歲入之課餉既有  
裨於軍需而戶甲之徵輸可立清其弊竇於國計非小補也

### 平湖縣志

### 卷十六

人物 列傳二

十一

登萊參議察冤獄翦豪強止開礦視學廣西文風丕振補貴州糧

驛參政值安順兵變單騎定之著有醅意齋詩草二卷粵西偶記

一卷子鼎揆戶部員外高事功張仕績王列傳

談允誠字孚上康熙癸丑進士授內閣中書歷江南鎮江府知府

鎮為南北孔道兵民雜處允誠一秉至公奸豪屏跡嚴絕苞苴有

羊續懸魚風子紹芳辛卯舉人高事功張仕績王列傳

陸煥元字闇仲康熙丁巳舉人性溫恭謙抑好讀書編蒲緝柳晝

夜不倦授廣東昌化縣知縣甫到官卒高文苑張文苑王列傳

陸瑋林字右韋少為諸生時知縣朱維熊延修邑志分纂食貨傳

詳核有體以例貢入成均選授直隸安肅縣知縣有惠政在任三

年士民感戴歸里後與二三知己倡和南村文采風流溢于賓座

著有拈嘯軒偶存北征松下歸田諸詩稿 高文苑張文苑王列傳

曹志周字微之康熙己未進士家居孝友操制義選政四方從遊日衆授四川南江縣知縣課農桑勤開墾設義學公餘作南江近藝與諸生切劘有絃誦風庚午分校得士五人禮闈皆聯捷陞工部主事生平著作皆能嘉惠後學 高文苑張文苑王列傳

陸炯字石年幼孤事祖母寡母承顏順志叔貧有幼子寄養他氏攜歸撫之得成立年六十登康熙己未進士需次在都魏敏果象樞延爲子師選山西太谷縣知縣釐奸弊興教化農時親詣田間提壺挈榼以相慰勞士民愛之陞御史奉

命巡城有內監騎馬入公署指稱銜貴戚諭炯械之奏聞

上下法司置重典戒諸藩府曰若曹有家人宜戒飭之御史法不爾貸也

### 平湖縣志

#### 卷十六

人物 列傳二

十三

年七十五卒于官 高事功張仕績王列傳

邵鳳起字蒼馭康熙辛酉舉人授安徽歙縣知縣俗好輕生遇命案力爲剖雪有汪某與表弟某貿易同歸謀其財刃之事發提訊欲罪汪未得埋尸處翼日以公事過南山下見鴉數萬飛鳴團集不去隨于其處掘得尸汪吐實伏法後他州縣有疑獄大吏輒委訊沈冤悉白再補廣東增城兼攝順德篆治行循卓一如在歙時及告歸士民愛戴多相率詣督撫乞留者 高事功張仕績王列傳

沈岫字撫辰康熙乙卯舉人有文名任鎮海教諭捐俸修學教若蘇湖子之鉞甲子舉人亦工文授雲南羅次知縣便宜出倉粟賑飢全活無算攝鄰縣悉稱文吏庚子分校鄉闈薦拔皆知名士以

勞瘁卒于官 高文苑張仕績王列傳

陸筠字覲文貢生啟浚孫家貧授徒自給湖州王教諭毅常熟汪修撰繹未貴時皆執贄門下康熙乙丑成進士授直隸隆平知縣調繁上猶抑豪猾扶善良士民稱神明焉曾與分校所甄拔如高其倬輩皆一時名流歸田後鍵戶讀書如未達時詩出入唐宋有樹德堂集兼善長桑術著醫學纂要六卷

路志

沈崐字玉山號禾畝康熙乙丑進士授山西徐溝縣知縣民有甫成婚夫出十年不歸翁姑疑子死欲嫁其婦投牒於縣婦至太慟願終守而翁姑已受聘者財禮無所償崐給俸償之越三日夫歸遠近稱頌舉卓異內陞部曹歷戶部江西司員外典黔試稱得士罷歸後築室墓傍炊烟不繼嘯歌自得著有味菜山房集禾畝詩

餘 高事功張仕績王列傳

### 平湖縣志

### 卷十六

人物 列傳二

十四

馬煥曾字學海例貢生由教習選湖北布政司經歷戊辰楚督標裁兵夏包子據城倡亂逼死重臣煥曾乘賊兵開門行汲微服而出晝夜徒跣抵上蔡飛羽轉報復奔河南巡撫丁某轅門痛哭乞師乃得剋期會勦逆亂以平敘功陞雲南南安州知州六年乞休年七十八卒

高事功張仕績王列傳

沈皞日字融谷號柘西以貢授廣西來賓縣知縣調天河陞辰州府同知歷有治績卒於官少善填詞以才勝為浙西六家詞之一兼工詩所著有楚遊草燕遊草柘西精舍詞

高文苑張文苑王列傳

姚宏度字宗裴以貢生授中書為詩文超俊不凡工書畫扶危濟困力行善事著有書畫參一山房吟稿

高文苑張文苑王列傳

馮千英字序皇康熙丁丑進士授廣西荔浦縣知縣荔浦民謠錯



處洞猺每出剽掠千英深入重險宣諭德化猺感動悉歸所掠子女後復請立堡捐山田一頃募土著耕守民好私相復讐自干英爲政俗乃革士罕知學設義塾延師訓之丁憂服闋補河南太康縣值軍需盡瘁勿違中牟武陟河溢民當往助修築千英卽工所僱築之民以爲便葺先賢陳子禽高子羔祠儲五經子史性理等書于其中令諸生以時肄業親爲講解丙申河南蝗災獨不入太康境年六十四卒于官

高事功張仕績王列傳

高輿原名元受字巽亭號青壁禮部侍郎文恪士奇長子康熙庚辰進士選翰林院庶吉士卽乞假歸侍養祖母俞太夫人癸未士

奇卒

上卽命輿校皇輿表事竣乙酉

平湖縣志

卷十六

人物 列傳一

十五

南巡特授輿編修

命卽家開局校刊佩文齋咏物詩選淵鑑類函二書書成赴補原官賜第暢春園北自是人則侍直出則扈從從容簪筆朝夕恪勤尋奉旨纂駢字類編未竣而卒

上聞傷悼存問其家召其從子衡至京以喪歸事詳衡傳輿慎重謙和不立崖岸生長富貴視黃金如塵土好施與戚友待以舉火者甚衆比卒故舊多有爲位哭者性耽吟咏年十三卽工詩大學士陳廷敬張英器之

上嘗書谷蘭齋賜輿輿因以名其集凡詩六卷子嵩有傳孫澍字說霖邑庠生後官鹽大使署陝西靖邊縣知縣修棧道建養老書院卒于

官

張雲錦育嬰堂志云康熙四十五年建育嬰堂輿與里人朱弓錫周維翰沈瑜過鼈主其事棄嬰始活 高文苑張文苑王列

傳

胡紹安字國期號筆廬康熙庚辰進士授順天武清知縣邑當孔道以仁廉治之變產償供應免紅剝船變價諸累雪冤獄修學宮公餘常手一編吟誦若諸生以體羸不任煩劇逾年卒于官祀名宦弟紹高字聞衣工制藝操選政三十年康熙己丑進士授貴州貴筑知縣革除苛派丁艱歸又遭母喪廬墓日涕泣尋卒初紹安歿紹高傾資產助完官帑撫姪讀書成立里人賢之高事功張仕績王列傳

馬焜字怡齋康熙庚辰進士授山東邱縣知縣值歲饑勸賑寬徵民沾實惠以卓異行取不赴歸主持育嬰社棄嬰全活甚眾著有古今文集王列傳

盧生甫字仲山四歲喪母事繼母即解承志登康熙丙戌進士授

平湖縣志

卷十六

人物 列傳一

十六

山東定陶知縣時值羽書旁午纖毫不以累民

定陶縣志生甫清慎自持愛民重士

初下車值北征之役士民貢馬頗多驚疑生甫從容力辦邑有故家子弟破產遺差者數家積年逋賦號泣公堂多方救援永免其累以柔道治民不事峻厲士民懷之 尋擢知州攝廣東臨高縣戢奸剔弊海島風教

為之肅清再舉卓異內陞刑部郎中進解律例稱

旨出知貴州遵義府部民有兄弟爭產者訐訟數十年生甫親鞫之且曰

吾無兄弟雖有產誰與爭者繼之以泣民亦感動以產相讓遵義

故老至今猶頌其德化時值清丈躬自履勘歲餘以勞卒年六十

有七生平端謹清慎家無儲蓄蕭然若處士著有孝經注左傳八

評漢書評林讀律質疑杜詩孟說東湖乘受中編高事功張仕績王列傳

楊標字赤城康熙丙戌進士選翰林院庶吉士生平澹於仕進歸

里後清操介節士林奉為圭臬總督嵇文敏曾筠聘掌敷文書院

講席課士外毫無干請四壁蕭然不以介意學問淹貫制義力追

正始卓然成家卒年七十五

王列傳

嚴思位字西武號山鄰本沈氏以祖孝廉寅出繼於嚴從其姓父

嘗早歿母劉年纔十八遺腹生思位思位奉母至孝家貧孤苦授

徒以給甘旨勵志績學性超曠遇極輒軻終不以爲累年六十五

始登康熙己丑進士官翰林院檢討在史館十餘年殫心供職癸

巳恭遇

聖祖萬壽行養老禮

賜衣一襲碧色硯一方

思位記畧康熙五十二年三月恭逢萬壽舉養老禮尙年不論爵公卿庶尹下至耆老

六旬

皆得與焉斷自六十五歲始吏部報名大學士以下三十餘人在籍來京者五十餘人耆老四千五百餘人擇吉二十五日設宴暢春苑自北而南百餘步爲一行東西列十五行辰刻御座親王侍側諸王皆屏法駕儀仗乘輦至門下設

平湖縣志

卷十六

人物列傳一

十七

遠立駕序分班下接耆老比肩而坐人四爲一席觀者如堵牆寂然無譁須臾上命諸皇子親賜諸臣茶酒各一盃以

次而遍諸皇子皆立以待飲有旨母下拜乃跪一足而受之天顏和粹問有百歲者否大臣查冊得九十者十

餘人命跪至榻前駕回苑出白金賞耆老以壽爲差一兩至十兩又有

宴罷綠頭籤傳呼大臣最後及位名共十五人歷門二重乃止內侍捧

盤分三等士等賜帽袍套硯中等無帽下等止一硯位以

卑秩叨與中等內侍前爲披衣謝恩而出一時爭傳七品

翰林與公卿比詫爲奇事竊念位濫廁清華碌碌無短長之効忝

與華筵已屬望外更蒙龍體所已御者聞解衣以待國士不虞下及

微有汗漬此硯出口外極遠之地堅可磨刃又名砥硯光滑如玉

五色皆備位所賜乃碧色製極精巧背云以靜爲用是以永年圖

書二體元主人萬幾餘暇謹什襲藏之傳示子孫永無極位馬齒已衰行將請老感佩恩榮粗爲紀述深愧蕪辭不克贊揚萬

一云丁酉主試廣東選拔多知名士逾年告歸著有甯道堂文集

仲子崇禮康熙丁酉舉人

高文苑張文苑王列傳

顧麒錫字作三號默堂康熙辛卯舉人除江南當塗知縣善折疑

獄興學校緩賦役政聲丕著解任歸課子孫以終

張仕績  
王列傳

胡馬璉字近顏孝友醕樸家貧苦志力學康熙辛卯舉人授廣東

高明縣知縣興教化勤撫綏持法折獄不畏強禦公餘把卷長吟

不異儒素年六十卒于官宦橐蕭然友人張可大助資得扶櫬歸

張仕績  
王列傳

金南鏐字夏聲少爲生員嘗校刻沈季友樵李詩繫行世朱檢討

彝尊稱爲時賢所難以例貢授工部屯田員外監督南新中南兩

倉出納有法高安朱文端軾以清慎薦陞刑部郎中出爲陝西驛

傳道時方用武盡心徵調總督年羹堯惡其梗直上疏劾之

世宗憲皇帝素知其能仍令供職尋內陞京堂告歸年七十卒孫樹屏字

玠堂由監生任河南衛輝府知府河決編竹筏渡災黎水退設粥

### 平湖縣志

#### 卷十六

人物 列傳一

#### 十八

廠賑之尋罷歸起補直隸保定府通判卒于任

高事功張仕  
績王列傳

倪見龍字朝文康熙壬辰進士中書除江西上饒知縣鄉闈分校

拔楊錫紱爲名臣罷官主豫章書院講席人才多所造就生平酷

嗜典籍歸田後手不釋卷暮年目瞽猶背誦五經左國史漢晝夜

不輟尤精制義今散佚無存

張文苑  
王列傳

施宗遠字廷樞幼失怙育于祖母楊康熙癸巳舉人授湖廣羅田

縣知縣邑地瘠民貧多草竊號難治宗遠立保甲嚴緝捕廉得一

二渠魁實之法餘黨斂迹公餘進諸生論文藝士風丕振以年老

乞休士民愛戴數百里外攀轅祖送者甚衆

張仕績  
王列傳

鍾彝字尙殷康熙癸巳順天舉人授湖廣黃安縣知縣以寬治民

不輕試鞭扑絕苞苴剔奸蠹歸田後授徒自給生平學問淵博文

不加點著述甚富年八十餘卒有寶實叢書十六卷蘿村雜誌四

卷夷白堂詩稿十卷粵西漫遊集三卷

張仕績  
王列傳

陸奎勳字聚緱號坡星思州知府世楷第五子豐頤廣類美髭髯

早歲讀書力行隨叔父閣學棻於京師名公鉅卿爭相引重

按高  
志及

蘭玉堂集皆云奎勳師  
事清獻誤詳見道學傳康熙己亥江西巡撫白潢聘修通志時以

諸生與查太史慎行同作總裁庚子年五十八舉於鄉辛丑成進

士選翰林院庶吉士散館授檢討充明史纂修官白潢入相欲特

疏薦擢固辭而止尋告歸設帳講學弟子從遊日衆秀水朱檢討

彝尊題其居曰陸堂學者稱陸堂先生雍正庚戌浙閩總督李衛

奉

勅修浙江通志奏以奎勳充總裁纂次詳悉今四庫書簡明目錄稱其書

平湖縣志

卷十六

人物  
列傳一

十九

較他志體例爲特善甲寅主廣西秀峯書院創立學規仿朱子白

鹿洞遺意以疾歸弟子祖送者皆流涕而別平生淡於仕進嘗訓

弟子曰宇內不少科第少聖賢耳又嘗告白相國陳封事則云今

日上言須明義利之辨無庸摭拾瑣瑣也少好談兵又精六壬學

及星家言年四十乃一意經學諸經皆有述作說經諸書風行海

內卒年七十有六所著有陸堂易學十卷今文尚書說三卷陸堂

詩學十二卷春秋義存錄十二卷戴禮緒言四卷魯詩補亡八代

詩揆六卷唐詩安帖體類編字音舉要陸堂文集二十卷陸堂詩

正續集一十二卷

高文苑張文  
苑王列傳

陸綸字懷雅號漁鄉檢討奎勳次子康熙丁酉舉人授內閣中書

轉典籍出爲廣西梧州府同知巡撫金鉷延修廣西通志欲以博

學鴻詞薦固辭在梧職司配兌上不虧課下不病民擢永州府知府時義甯綏甯苗蠹動大軍屯武岡自永至武水陸兼程民多跋涉苦綸善調劑民安之丁父艱歸起補梧州梧俗以婿爲子往往爭產致訟嫠婦多贅夫於家前夫子與後夫子恆構釁綸曉以廉恥及異姓亂宗之律俗乃革靈雨江漲壞民舍捐俸葺茅居之民謠曰河伯禍我太守福我時于緇林書院講文課藝士風丕振改調歸綸少好倚聲歸田後尤邃於詩工樂府王觀察勅聘修太平府志蕪湖縣志詳核有體性孝友守梧時父奎勳主講秀峯書院迎養官齋繪高陽小聚圖旣歸招兄載紀同居奉母課諸孫從昆弟子姓貧者咸周卹之卒年七十一著有允齋詩集莞爾詞子鈇字心之嘗捐資贖宗祠官福建清流鐵石磯巡檢清操自矢卒于

### 平湖縣志

#### 卷十六

人物 列傳二

一二十

任貧不能歸櫬同僚賻之乃得歸

張仕績  
王列傳

楊翊時字木臣少失怙依兄標讀書雍正甲辰舉人除兩淮斜角場大使秩滿授廣東四會縣知縣邑豪奢矯以節儉剔弊興利政聲卓然年老改鎮海縣教諭歸年七十卒翊時以寒士兩任臚地

處膏不染有古循吏風

張仕績  
王列傳

馮巨欽原名鈿字愚堂太康知縣千英子雍正甲辰順天舉人除四川南部縣知縣邑多嚙嚙子好鬪鍵訟素爲民害巨欽威德並施奸匪屏跡修學宮創義塾上官重其廉能委署保甯鹽茶同知

卒于任年五十七

張仕績  
王列傳

張鍾秀字鴻漸雍正甲辰進士授湖廣孝感縣知縣首重文教朔望集諸生課其經學尋罷職總督邁柱以湖廣省志委輯稱精核

志竣復襄陽知縣督撫以鍾秀肆應從容題署襄陽知府蒞任未幾遂卒上官爲泣下貧甚總督以下贈賻乃克歸葬著有過耳集

詩稿 王列傳

陸培字翼風號南香雍正甲辰進士授江南東流縣知縣邑西蓮花洲峙江心水暴漲民失業培安撫之緩其征山溪民義魚夜斃於石莫得兇首主名培招衆予食察左手食者目動一訊卽服署貴池革除胥役包糧嚴捕盜法每屆鎖印輒郵致俸金分餽故鄉貧乏戚友罷官歸囊橐蕭然無以謀饗餼僦屋以居爲諸生時善填詞歸里後肆力于詩洛如壇坫推執牛耳數游維揚周旋于舟輿筇屐間篇什益多仁和杭世駿錢塘厲鶚交口引重歷主東臺

當湖九峯書院卒年六十六著有白蕉詞四卷 松江侍郎王昶列傳 諸江南二十四家

### 平湖縣志

#### 卷十六

人物 列傳二

二十一

之子錫周字魯東乾隆丙子舉人 張仕績王列傳

陸汝欽字恪庭雍正甲辰進士授湖廣湘潭縣知縣邑豪猾爲暴鄉里鞠治置之法改溫州府教授兼主東山書院講席迎養父廣培于官舍以憂歸家貧饔飧不繼杜門課子晏如也尋卒 張仕績王列傳

高衡字南岫號枝山文恪士奇孫父軒早世伯父輿卒于官

聖祖仁皇帝知輿子尚幼

詔衡入都經紀其喪既至

召見昭仁殿諭曰爾仍如爾祖父伯父入內廷辦事續纂爾伯父所纂之書時輿纂駢字類編未成衡因奉

命續纂踰年書成命賚書回籍校刊既竣議敘七品京官補行人擢刑部

主事歷郎中出爲福建糧儲道清勤懋著署臬篆獄多平反服闋

需次補部員以疾請假歸嘯歌林下卒年六十七

張仕績  
王列傳

沈廷陞字廉叔吳堡知縣宏勳子雍正丙午舉人以乾隆丁巳明通榜除奉化縣教諭陞四川綿竹縣知縣量移納谿撫字窮黎清

廉慈惠考滿致仕歸廷陞工制義中年喪耦不娶獨居一室木榻

敝帷雖在官如儒生卒年七十六著有硯還齋詩存四卷

張文苑  
王列傳

林鑣字御驤雍正己酉舉人除福建鹽課大使補海澄縣知縣澄

濱海俗桀悍鑣以威德撫馭之創儒山書院振興文教改青田教

諭誘掖弗倦聞鄰邑有才士招與遊周其困乏其人卒以才顯鑣

尋歿于任

張仕績  
王列傳

吳嗣爵字尊一號樹屏其先錢塘人祖之錡禮部主事始遷平湖

嗣爵登雍正庚戌進士授禮部主事冢宰張廷玉奇其才奏改吏

## 平湖縣志

### 卷十六

人物 列傳一

一一二二

部歷郎中授湖北學政調福建課士有法戊辰選江南淮安府知

府尋陞淮揚河道明年七月洪澤湖決高堰石工危甚總督高晉

議開天然壩嗣爵曰此壩開誠足減暴漲然如下河各郡縣百萬

生靈何堅持不放卒無恙晉江蘇按察使獄多所平反陞布政調

湖南左遷宿虹同知量移淮徐河道戊子彭城黃水秋漲大溜直

逼徐家莊縷堤幾潰居民倉皇謀竄時大風雨嗣爵撤蓋端坐堤

上身當其衝屬吏泣諫嗣爵曰吾河臣也堤潰吾不忍視民獨斃

也迺躬率吏集工堵築逾時而溜勢掣開仍歸中泓若神助然已

而議放淤吏難之嗣爵曰安危在頃刻豈容坐失事機苟獲罪吾

一人任之乃堅築月堤既放淤水勢始平總督高晉以聞

上深嘉之擢河東總督山左運河爲輸漕要津發源汶水而匯泰安兗州



諸屬百五十五道之水歲久淤塞疏濬如法漕運便之辛卯五月  
汶泗水溢入運堤汶上城幾沒七月丹沁伊洛諸水復發匯注入  
黃黃水出槽漫灘河南山左各工衝擊爲患皆設法搶護民賴以  
安事聞調南河總督遂自豐沛親抵海口徧歷江淮相度機宜加  
築臨黃縷堤疏濬雲梯關舊口治清口東西壩高堰諸工先是  
上幸清口詔遞添第四第五木龍後頭架癸巳嗣爵奏移建五龍下以護  
新灘使黃水直逼陶莊清水抵惠濟祠後

上曰朕南巡時卽有此諭彼時河臣皆以爲難故未行之此事正合朕意  
是年伏秋兩汛清黃三次盛漲徐州城不沒者三版嗣爵開放傳  
家窪新挑勾引河匯入唐家灣引河以殺水勢二日而平初揚州  
下河各州縣地處低窪遇洪澤湖漲分入下河藉洩淮水田多被

### 平湖縣志

### 卷十六

人物 列傳一

一一二三

淹自嗣爵任事後十有餘年下河豐收閭閻樂業

上賜詩褒美之

詩恭紀  
卷首

甲午八月黃水陡漲風雨暴作一夕泛溢嗣爵急

令集船以濟移民于高阜分給蘆葦爲棲止計開倉賑之民志稍  
定而身則晝夜處沮洳泥潦間遂得肺疾嗣爵治河前後幾三十  
年全河形勢瞭若指掌而臨事持重審勢扼要不爲浮議所奪故  
能終始成功年七十轉吏部右侍郎尋告歸卒于家

按嗣爵移家  
平湖已歷三

世且子孫世爲湖人並非寓居於湖張志作寓賢非是今遵  
一統志高士奇例作平湖人物改入列傳 張寓賢王列傳

張鈞字廣明幼績學夜燃燈讀書帳中帷布盡黑雍正庚戌以五  
經成進士分發江南巡撫顧琮重其經學令掌紫陽書院補金山  
縣知縣移清河歲饑設賑躬親巡視蝗蝻爲患亟撲捕虔禱于神  
一夕驟雨驅蝗入海民賴有秋旋以捕蝗病目乞改教職歸卒年

七十二

張仕績  
王列傳

袁安字石菴號碧巖雍正庚戌進士授江蘇興化知縣歷署宜興  
荆溪邳州所至清白自矢荆溪程氏奴有畔志與婦密謀殺其廢  
疾子以誣主前令繫程於獄安至廉得其情拘奴夫婦對簿得實  
置奴於法一時咸頌神明尋以病歸祀名宦

路志

牟江歷字西崑年未弱冠邑試兩冠軍補博士弟子員精性理闡  
易義與同里范光寅舒原馬鏗應旂善皆博學淹貫一時推為名  
士雍正壬子同舉於鄉癸丑江歷成進士乙卯聘充江南鄉試同  
考官稱得士旋與光寅等相繼歿士林惜之

高文苑張文苑王列傳

許時杰字德超生三歲而孤賴母朱撫之成立登雍正癸丑進士  
授福建邵武縣知縣詳免虛糧三百兩有奇整理樵川書院捐建

平湖縣志

卷十六

人物 列傳二

一二十四

拿口橋捍禦黃源虎患年四十卒于官士民思之

高事功張仕績王列傳

屈學洙字東萊山海鹽縣監生仕至雲南大理府通判初入滇道  
經黃平州適有苗警寇氛甚惡商旅不行從者皆股慄學洙毅然  
單騎至署人咸服其膽決整飭苗疆三年奏績尋以解運京錢長  
途染瘴卒於江甯旅次滇中人士感之祀名宦

高事功張仕績王列傳

袁珂字雪巖其先華亭人祖國梓官嘉興府知府父勳遷平湖珂  
附貢生由正黃旗教習授河南儀封縣知縣儀濱大河歲派夫挑  
築民苦其役珂力陳得免建議鑿井灌田詳明漕項免徵本色民  
甚便之攝篆睢州斷屈八奸殺及屠戶二獄一時驚為神尋入都  
引

見條奏兩河利弊甚悉

賜宸章及貂皮離宮錠等物陞陝州知州陝當五省孔道悉心整頓境內帖然濬治城內外水道引水溉田若干頃逾年免歸民遮道攀轅泣送者不絕其後河南饑刑部侍郎王士俊奉

詔發粟命珂專司賑事兼墾光山縣荒地數萬畝遂上疏特薦授兵部員外歷刑部江蘇貴州二司多所平反擢山東兗州府知府以熟諳部務改陞工部郎中乞假歸卒於道弟瑱嗣子鑄瑱字衷翼工詩善書以附貢生挑發河南初署陳州同知調裕州知州兼攝桐柏

縣歷有治聲先珂卒鑄由監生選授湖南衡陽縣知縣

張仕績  
王列傳

程本毓字秀山以貢授廣西梧州府通判歷署興業縣知縣象州知州攝梧州知府民苦浮糧累本毓丈地清糧抉剔隱漏革除飛灑擢直隸宣化府同知杜苞苴戢奸宄西陲方用兵以辦軍需強

## 平湖縣志

### 卷十六

人物 列傳一

二十五

幹紀功尋請終養歸

張仕績  
王列傳

李青字仿蓮乾隆丁巳進士授廣東普甯縣知縣植善鋤強移陽江嚴保甲肅清盜源改令直隸欒城興學校課田疇設留養局賑

粥撫綏流民以辦軍需勞瘁卒于官

張仕績  
王列傳

徐鴻昇字鳳苞號梧岡舉人鈺子少歧疑讀書目數行下遊庠後益自刻勵乾隆丙辰舉人已未成進士歸班除湖南甯鄉知縣清慎有聲土豪吳某武斷一方嘗謀殺人每令蒞輒以重賂結納左右鴻昇至吳仍以千金物饋力卻之其後吳又謀殺人鴻昇置之於法奉檄勘益陽水災撫卹備至巡撫楊錫紱甚嘉之庚午壬申兩與分校所得多知名士以逸囚落職歸優游林下垂四十年獎勵後進多所成就鴻昇少承其家學於毛詩尤精於訓詁故其先

後獲雋之作得力於詩尤多及家居授徒談經絳帳亦以詩爲先  
務居於蘆川風晨雨夕與二三知己逍遙隴畝見之者忘其曾爲  
宰官身也同年劉純煒爲邑令時招致者三終不赴其耿介拔俗  
如此

路賢  
達

陸紹曾字貫亭號魯齋少時苦志讀書足不出戶乾隆乙丑進士  
歸班除山西靜樂知縣潔己愛民政聲遠播徵辦金川軍需閭閻  
無所擾俸入不繼每取給于家性質樸不善迎合上官拂衣歸村  
居著述同里罕識其面年八十六無疾而逝

路賢  
達

胡涵字太初號梧村乾隆丁卯舉人授內閣中書出爲直隸廣平  
府同知改河西務地爲南北水驛衝衢鄉人士過其境必畱署款

洽詩酒倡和年六十卒於任宦橐蕭然

張文苑  
王列傳

### 平湖縣志

#### 卷十六

人物  
列傳二

一二十六

馮廣譽字叔颺乾隆戊辰進士除廣西容縣知縣甫下車有袖白  
金謁者峻卻之嘗夜分出巡宦家子方挾妓呼盧呼至懲以夏楚  
聽獄平允不事酷烈容壤僻少文建書院興文教以年老改處州  
教授修學宮勤講課乞休歸安貧不一千有司卒年八十二

張仕  
績于

列傳

周錫龍字覲楊乾隆壬申舉人授湖北穀城縣知縣調繁襄陽罷  
歸囊橐蕭然竭力奉親甘旨無倦色親歿哀毀卒于苦次

王列  
傳

錢大經字虞愷號敦堂父許醇家無儋石親自督課大經幼承庭  
訓攻苦力學工制藝兼能詩年十三入邑庠領乾隆甲子鄉薦考  
授中書丁丑成進士選翰林院庶吉士故事庶吉士例不充同考

官大經遇

特恩分校庚辰禮 所拔如湖廣總督江南畢沅翰林編修江西裘璘等

皆一時名士散館授編修性謙和既貴尤抑然自下在京請業者

甚眾多所造就癸未卒于官

張文苑  
王列傳

施峻字翼垣乾隆壬申舉人大挑一等分發直隸歷署靈壽南樂

龍門等縣補肥鄉知縣汰陋規減雜徭恤瑩獨民咸德之性慈祥

不輕用刑或有干以私者必正色拒之病假旋里尋起署新樂復

任肥鄉以逸囚落職去官日行李外圖書兩簾而已上官重其品

留主燕山瀛洲等書院年七十始歸踰年卒

路賢  
達

沈初字景初號萃巖又號雲椒明參政煉之後優貢生七應鄉試

不售乾隆壬午恭應

召試

平湖縣志

卷十六

人物 列傳一

二十七

特賜舉人授內閣中書明年以一甲二名進士授編修擢侍講轉右庶子

累升禮部右侍郎轉兵部復調吏部遷左都御史授軍機大臣轉

兵部尚書調吏部又調戶部仍兼署吏部

賜紫禁城騎馬一主鄉試五任學政一知貢舉一充會試副總裁歷充三

通館

實錄館副總裁卒于官

賜祭葬諡文恪入祀鄉賢祠初事母孝至老不衰性寬厚謙和與人接無

貴賤皆歡然不喜臧否人物歷事

兩朝三十餘年小心無間自幼穎悟甫就傳讀書目數行下弱冠卽工詩

文同郡錢文端陳羣歎爲奇才以大器目之既登上第淹貫博雅

爲詞苑所推重通籍後入直

內廷廣颺應

制之作不可勝紀著有

御覽集經進文藁蘭韻堂詩文集子蘭生蓮生蘭生字芳稱號春畹廕生  
累官至雲南按察使蓮生字清愛號遠亭監生安徽甯國知縣均

有惠政

路賢達

陳嗣龍字劭園號春漱拔貢生乾隆戊子順天舉人已丑成進士  
殿試一甲第二名授編修累升太僕寺正卿時大學士和珅勢傾中  
外嗣龍不爲之屈迨和敗而嗣龍遂大用矣旋由宗人府府丞升  
都察院左副都御史己未

睿皇帝新政命大臣密保廉能官嗣龍以編修帥承瀛閩縣知縣王紹蘭  
入奏後皆通顯在諫垣九年所上條奏俱蒙

平湖縣志

卷十六

人物 列傳一

二十八

俞允後與左都御史熊枚不和互相攻訐俱交部議處嗣龍復上書申辨  
上怒降爲編修以疾卒年六十一

恩賞四品銜嗣龍在朝三十餘年五典鄉試三充順天鄉試分校官一任  
學政一爲會試副總裁而耿介不阿權貴有古大臣風卒以同寮

不睦黜時論惜之

府于志  
文學

陳朗字太暉號青柯乾隆庚辰鄉薦第一己丑成進士授刑部主  
事歷郎中在總辦秋審處行走大學士劉文正統勳綜理刑部稱  
其練達辛丑京察一等出爲撫州知府撫俗士人好私謁朗悉謝  
之與僚佐晉接坦易和平不拘儀節遇利弊事則侃侃與上官爭  
不少挫巡撫某素貪恣值誕辰朗畫墨梅以進見者咸詫爲簡傲  
重葺興魯書院親自督課時以敦崇實行爲勗士風丕變以母憂

歸卒於家性豪飲暇卽手漢書一編引壺自酌至夜分不倦然於  
政務不廢也著有青柯館詩集十六卷六銖詞一卷路賢達  
徐志鼎字調元號春田年三十猶困童子試乾隆甲午春發憤入  
太學是秋卽領順天鄉薦明年成進士乙巳謁選授四川南溪縣  
知縣期年以盜案落職上官重其品延主東川書院課士務實學  
蜀人愛之庚戌入都祝

釐

恩復原銜志鼎留蜀幾十年始攜家歸主桐鄉之分水書院并纂縣志桐  
鄉志久不修文獻放佚志鼎辛勤蒐討不遺餘力書甫成卒性孝  
友遭母喪廬墓三月與寡姊弱弟處依依如童稚時詩出入唐宋  
牢籠百態晚歲專學昌黎奇險斗絕著有紅亭日記爭光集吉雲

平湖縣志

卷十六

人物 列傳一

二十九

草堂集玉雨詞其少年時爲考功海鹽蔣泰來所賞故以泰來詩

附刊集後不忘賞音云路賢達

吳璫字式如號崧圃侍郎嗣爵子乾隆戊戌進士由翰林散館授  
編修大考一等擢侍講學士戊申充陝甘正考官擢安徽學政改  
授河南開歸陳許道累升布政使

賞戴花翎在任八年值川楚陝三省教匪滋事璫會辦防堵籌濟軍需均  
能實心任事嘉慶己未遂授東河河督尋調江南河督以堵閉邵  
家壩大工告竣

賞加太子少保銜入爲兵部右侍郎調督倉場丙寅復授東河河督入爲  
刑部尙書

賜紫禁城騎馬己巳復授江南河督左遷光祿寺卿擢吏部右侍郎奉

命閱視江南洪澤湖情形適常州之靖江縣江漲齧隄城垣危甚璫議急築碎石隄臨江捍禦居民賴以安堵甲戌復督東河東省運道淤塞璫以韓莊之微山湖由八閘下注江境尤爲濟運要務遂倡議疏濬漕艘便之入爲兵部尚書調刑部充

經筵講官庚辰授吏部尚書協辦大學士復署東河河督道光辛巳以疾告歸其明年卒年七十六璫未顯時隨侍父任所熟悉水道形勢比受

特達之知亦治河爲最多時黃河屢經漫溢各工敝壞已極璫修防宣洩各協機宜伏秋大汛親駐河干督率搶護每能化險爲平去任後每遇要工輒銜

命相度無不刻期蒞事

### 平湖縣志

#### 卷十六

人物 列傳二

三十

御詩嘉獎賞賚優渥子元凱公謹元凱自有傳公謹從一品蔭生官廣西

鬱林州知州

新纂

陳循古字邃堂撫州知府朗子乾隆丁酉舉人任直隸文安縣知縣伉直有父風上官器其才欲援引之循古恥干進托故辭居官

清介卒後家無餘資同人醵金以助方得歸葬

府于志介節

屈爲鼎字寶汾號硯鄰世楣子乾隆辛丑進士選翰林院庶吉士散館改禮部精膳司主事兼儀制司堂上官皆器之以失察書吏盜用印信降調需次歸旋卒著有德馨堂詩存

路賢達

屈樹榮字敦吉由貢生援例除刑部陝西清吏司員外郎以病乞歸父禹功好善樂施予樹榮事父孝凡捐賑平糶惠族卹鄰置學

田義冢諸善事皆克承父志云

路賢達



沈學詩字涵之號筠垞廩貢生好學工書屢試不第會楚蜀軍興握槩從戎四川總督勒文襄奇其才羅致幕下事定敘勞遂由什邡縣典史陞慶符縣知縣丁母憂歸服闋起知溫江縣調成都縣所至催科不擾讞獄得情民皆悅服庚辰辛巳間攝敘永同知大吏以廉卓薦超遷行有日矣又以父憂去喪畢廬墓以居蔣相國攸銛時督直隸郵書強之起甲申冬除奉天海城縣知縣縣濱海地僻民不興學爰立義學給膏火拔王衷亮於童試飲食教誨之卒成進士民始競勸軍屯田增租議起學詩再三力爭事得寢在遼三載兼攝奉天治中新民同知蓋平廣甯知縣以勞瘁卒于任著有諸葛忠武侯全集補遺新纂

楊馥孫字芬若號乙雲以諸生充四庫館校錄嘗攝湖北宜都縣

### 平湖縣志

#### 卷十六

人物 列傳二

三十一

知縣邑舊多派累爲裁改幾盡民有號東山三虎者人久患苦之捕得論如律旋補咸豐軍興檄調大營佐理福公軍事有功遂告歸不復出優遊林下二十餘年暇輒讀宋元明諸儒書手錄至數

百卷嘉慶己卯充鄉飲大賓卒年七十三

府于志  
循吏

何永溱字元培號嵇清庠生由四庫館謄錄議敘州同分發甘肅總督嘉其勤慎招致署中襄理文案歷署肅州高臺毛目縣丞甯夏西甯等府通判補甯夏府靈州分駐花馬池州同地當番回雜處俗尙兇頑號稱難治永溱諭以理義民皆嚮化又署靈州嘉慶丙辰歲歉收散給口糧急於籌畫日夜焦勞因得痿痺疾卽解組

歸年六十四卒

路賢  
達

陸光濂字景周太學生由四庫館謄錄授貴州黎平府經歷署黃

平州知州遭嫡母喪以軍興留辦安順府關嶺糧臺嘉慶丁巳苗匪蜂擁而至矢石如雨嶺無駐兵濂率數十守糧卒禦之身被數創擲鎗於地顧僕曰以鎗歸報家人我死此矣遂躍馬墜崖死賊退踰月得其屍於大樹下面如生事 聞

賜祭葬給雲騎尉世職襲三次恩騎尉世職罔替入祀府城昭忠祠

路賢達

按陸光濂宜人忠節傳今仿王志康承爵例編列於此張慶成原名慶盛字嵩三號秋樵嘉慶戊午舉人九應禮部試不售以大挑一等授直隸望都知縣調署南宮一以濟民爲心凡有利於民者無不興旋宰萬全創建書院俾寒畯肄業其中萬全文風遂爲宣府冠陞深州知州旋以註誤降補乞歸遂卒性至孝父病侍湯藥不解帶目不交睫者累月後侍母疾母素不信醫慶成

平湖縣志

卷十六

人物 列傳一

三十二

禱神請以身代首頓地額爲之腫居父母喪日夜哀號鄰里聞之皆爲流涕道光甲午題 旌著有秋樵詩鈔六卷 府于志 孝友按張慶成宜人孝友傳今以其官七品以上仿王志例編列於此

袁步先字天墀號東嶠工制藝與弟路先齊名人稱大小袁嘉慶戊午舉人以大挑一等署甘肅金縣知縣纔四十日丁母憂以哀毀卒著有循陔草弟路先字驥程號翥亭讀書穎悟不及其兄步先而精詣過之事母孝鄉試屢薦不售嘉慶甲子始中副車未幾卒著有日香居吟草 府于志 纂

徐一麟字牧庵嘉慶壬戌進士歷署廣東萬川南海等縣知縣均有惠政旋宰大埔江西會匪朱石崇竄匿廣東蔓延高雷廉三府

一麟擒獲之而焚其冊籍絕不株連一人宦遊二十年乞假歸僑寓邗江與二三知己詩酒唱和極一時之盛旋主講宿遷鍾吾書院晚歲就養餘東子舍道光辛丑重遊泮水年八十餘卒著有牧

庵雜記六卷

新纂

錢人杰字子仁號菽齋嘉興籍嘉慶乙丑進士由翰林改山東海陽縣知縣不二年以憂歸遂不復出時招友朋把酒賦詩每遇山水清嘉徜徉忘反因自號東湖釣漁師書工漢隸手撫諸碑不下數十種博覽載籍輯成六朝金粉十四卷著有華陔吟館詩集

于府

志纂

按人杰籍隸嘉興宜列僑寓今仿王志高士奇吳嗣爵例編列於此

平湖縣志

卷十六

人物 列傳二

三十三

朱爲弼字右甫號茱堂又號頤齋祖英父鴻猷有傳幼失怙恃事祖母高以孝聞通經學尤嗜金石爲儀徵阮文達所器重嘉慶乙丑進士由兵部主事歷員外郎道光辛巳授河南道監察御史疏言江西閩浙連界之封禁山流民潛匿請嚴禁以杜奸匪滋事之漸轉掌京畿道值畿輔被水疏請急籌撫卹升禮科給事中時順天各屬捕務廢弛江蘇山東屢有劫掠之案疏請酌核內外緝捕事宜以清盜源稽查海運倉以侍郎和桂張映漢覆奏豆石蘄變情形不實疏劾之鞫實論罪如律復疏言江蘇省海口壅塞浙江上游均受其害請乘水潦未降之時於劉河吳淞太湖一帶確勘疏濬爲一勞永逸之計授順天府府丞升府尹累擢至兵部右侍郎授倉場侍郎以南漕逾期不至奏定以速補遲章程尋調漕運

總督條奏漕運章程十條皆切中時弊因病請開缺卒年七十爲  
弼在諫垣疏凡二十餘上侃直不阿服官內外三十餘年不喜躡  
進以勤慎廉潔受

知歿後家無餘貲士大夫重之請入祀鄉賢祠

旨允之著有茱聲館詩集續纂積古齋鐘鼎彝器欵識伯右甫吉金釋鉏  
經堂集古印譜子善旂善驥善旂字建卿道光辛卯順天舉人官  
國子監助教能勤其職善驥自有傳

新纂

朱爲霖字雨甫漕運總督爲弼弟附生氣岸不凡讀書觀大略從  
陽湖孫星衍婁縣陳廷慶講學益進試屢不利乃貲爲丞署南昌  
縣丞條上巡撫程公含章數千言陳所疑四事辨儒吏尤精慎極  
蒙優獎旋署贛縣知縣懲庫吏之蠹民者比受代以疾卒著有似

### 平湖縣志

#### 卷十六

人物 列傳二

三十四

山堂詩二卷樂府一卷遺文一卷季弟爲燮字理堂附生與嘉善  
郭麐錢塘陳鴻壽倡和皆推重其詩清麗芊緜有金風亭長風味  
著有傳石齋詩集

新纂

蔣澐字秋舫嘉慶戊辰恭應天津

### 召試

欽取二等是年中順天鄉試官湖北通城縣知縣勤於莅事罷官後僑寓

楚中課徒自給著有春煦秋陰館集

府于志  
文苑

楊于高字振巖號蘋香嘉慶己巳進士歸班選授四川彭水知縣  
除暴安良盜賊屏息嘗患土風不振重建摩雲書院延師訓誨之  
道光辛巳分校鄉闈尋告歸于高長身玉立儻風流下筆千言  
立就著有蘋香詩鈔退筆山館文鈔

新纂

陸堯松字少廬嘉慶辛未進士授刑部主事道光乙酉充貴州副考官得何端等五十餘人稱得士尋擢兵科給事中時刑部核議外省立決題稿祇交書吏呈閱司官雖署名不復上堂畫諾堯松上疏請復舊章以重民命時論是之乞病歸主講當湖書院堯松性樸實立朝侃侃不與時爲俯仰及卒諫草失傳士夫皆深惜焉

新纂

朱壬林原名霞字禮卿號小雲家貧力學嘉慶庚申舉於鄉辛未以第一人成進士改翰林院庶吉士散館授工部主事道光壬午充雲南副考官歷員外郎郎中戊子擢山西道監察御史時運道淤阻疏請籌濬徒陽運河轉掌京畿道旋署給事中疏請籌備京倉積儲略言本年三江兩湖等處均被偏災江西已蒙蠲緩他省

## 平湖縣志

### 卷十六

人物 列傳二

三十五

自當次第查辦外省少一分徵收京倉卽少一分儲蓄似宜於陝西河南山東三省量爲採買以實京倉壬辰擢永平府知府升清河道值夷舶至天津奉委防堵與協戎向榮商略機務皆戰守之要會兵撤不果行旋署直隸按察使甲辰以憂歸年已六十有五矣己酉邑大水癸丑金陵陷七月滬警凡賑饑助餉籌防諸事莫不黽勉捐輸爲士民倡丁巳重游泮水適長子壽熊入泮名第相符邑之人傳爲美談焉年八十卒性嗜書家藏萬卷風晨雨夕輒手一編嘗慨吾湖先達遺文散佚爰與邑中名士如顧廣譽葉廉鏗賈敦艮陸潢輩遠紹旁搜悉心商榷得文百餘家錄五百餘首彙爲一編名曰當湖文繫邑經兵燹什一千百賴以長存焉壬林服官中外三十餘年謹操守勤職司爲同寮所推重告歸後日讀

邸抄凡關係時事者必手自鈔錄適粵氛不靖晝夜縈懷聞捷則喜聞警則憂蓋身雖家居心未嘗一日忘天下也平生自奉儉約而周濟貧乏雖多金不吝戚族待以舉火者數十家卒之日人咸思之著有小雲廬詩稿刪存五卷晚學文稿八卷當湖朋舊遺詩十卷當湖文繫二十四卷

新纂

韓維鏞字配賁號銅上又號銅士拔貢生嘉慶丁卯順天舉人甲戌成進士以咸安宮教習授湖北穀城知縣旋署天門調黃陂值大水煮粥以賑活者萬計升武昌府通判歷充乙酉戊子壬辰甲午等科鄉試同考官所薦如金國均郭利賓許本壩諸人皆當世名士生平博學好古精於賞鑒家有金齋山房金石書畫收藏甚富人比之項氏天籟閣云年七十卒於官著有金齋山房詩藁四

### 平湖縣志

#### 卷十六

人物 列傳一

三十六

卷子潮字春卿道光戊戌進士官河南裕州知州韻海字季卿道光癸卯舉人官廣西知縣俱以廉潔著

新纂

陸錫智字若愚號飲江嘉慶甲戌進士銓選知縣改授嚴州府教授治事暇課徒自給無異諸生時道光戊子夏山水暴漲淳安諸邑民罄罄待哺邑令勘災不善幾至激變郡守檄錫智往錫智止挈一僕所至人人拊循爲之稽核戶口申解上司以俟撫卹並諭以大吏已刻期施賑若等第守法毋憂死眾皆感悟其後多全活者任滿告歸以經史自娛未嘗憂貧年六十九卒

新纂

丁泰字禮安號卯橋少失怙一貧如洗舅氏徐養三茂才教之學性聰穎目數行下髻歲遊庠舉嘉慶丁卯鄉試丁丑成進士經藝沈博絕麗尤爲試官歎賞官中書清謹自持不阿權貴喜誘掖後

進故從遊者眾制藝理法宗歸胡而出入於陳臥子黃陶庵諸家  
駢體雜文皆沉酣經籍而尤長於經學身瘠弱終年邁疾藥鑪不  
離側然學未嘗一日廢年四十九卒著有僊未廬詩集四卷未廬

札記一卷

新纂

倪承弼原名樹德字蓉齋號蒼溪嘉慶辛酉舉人以大挑知縣分  
發直隸操守廉潔精於讞獄總督那彥成甚器之委拏天津白糧  
幫滋事水手力獲要犯十七名餘黨解散丁母憂服闋補西甯縣  
調懷來蔚州富室劉廷璽少孤力學乃祖舉人某耳聾病廢其叔  
覬產捏控誣以忤逆適委承弼覆讞廉得其實力爲昭雪並嚴坐  
誣告者廷璽旋入邑庠遠近稱頌調東安修葺書院整頓捕務尋  
忤上官罷職卒以孫寶璜官累贈至資政大夫承弼官直隸久於

平湖縣志

卷十六

人物 列傳二

三十七

畿輔水利尤所洞悉嘗刊圖說一冊條分縷析極爲詳明云同治

丁卯入祀鄉賢祠

新纂

李泰壙號石渠嘉慶丁卯舉人以大挑知縣分發江西署崇義縣  
知縣邑爲江省邊境士不知四聲泰壙於公餘之暇切爲講解始  
知韻語署吉水者再均有政聲旋調彭澤訪獲盜首置之法民始  
安補餘干縣癸巳夏大水泰壙冒暑往勘吏請少息泰壙曰邑宰  
爲親民之官民被災宰憚暑可乎不數日中暑卒

新纂

沈正楷字敦行

府志作  
登雲誤

號赤石善屬文兼工書法嘉慶癸酉舉

人六試禮部不售以大挑知縣分發廣西治獄多平反署河池州  
知州州產錫吏弊叢集正楷悉心釐剔錫政以清戊子分校粵闈  
所拔皆知名士調署上思州上思毗連安南民俗好鬪每鬪輒傷

數百人正楷廉得其訟師械繫之弊俗遂革李總督鴻賓深器之特疏保薦遽嬰疾卒正楷爲文才思橫溢在京師時與武進費禮部庚吉錢塘鮑大令承勳有江浙三俊之目尤重氣誼河池上思兩前牧虧帑數千兩任之無難色然卒之日貧無以斂焉著有柘西草堂詩集子金藻字石生號蘭卿庠生工詩文援例署江蘇諸翟司巡檢著有紫茜山房詩鈔府于志纂

張儀盛字達鴻號鶴汀監生授福建興化府通判署知府明決寬惠有政聲善鞠獄多平反興化木蘭坡瀕於海海水漫溢淹及田廬儀盛稟請修築躬任其勞築隄若干丈民田賴以無患興化饑白上官力請採買平糶多所全濟旋膺薦入都假歸卒於家府于志宦

績

平湖縣志

卷十六

人物 列傳一

三十八

徐士芬字誦清號辛庵夢熊子舉嘉慶戊寅鄉試第一明年成進士改翰林院庶吉士散館一等授編修道光壬午充江南副考官癸未充會試同考官擢廣東學政歷中允侍講庶子充

日講起居注官丙申

命充五阿哥師傅入直

上書房歷侍講侍讀學士擢內閣學士兼禮部侍郎銜己亥擢工部右侍郎兼管錢法堂事務充順天副考官轉左充

經筵講官甲辰充會試副總裁是秋充江南正考官調戶部右侍郎兼管錢法堂事務擢順天學政因病告歸士芬幼失怙恃寄居親族能刻苦自勵有聲庠序間通籍後入直

內廷十一年勤慎如一歲時



賞賚優渥在工部最久於園法多所整飭尤究心畿輔水利常於直廬隙地試植水稻有效會天津因夷務增兵遂上疏請舉行屯政開墾水田略言屯田一法實古人寓兵於農之意今集兵已多又在可墾水田之地實屬眾力易成如蒙

允行將來能開成一萬餘頃歲可省漕運經費三千餘萬兩河工經費數百萬兩且屯田有田可恃其心更固而養兵之費亦省雖以兵撤不果行時論譴之凡校士者七方正嚴毅弊絕風清旣歸里倡修節孝祠並改建萬程橋未竣工而卒援例請祀鄉賢

顯皇帝諭曰徐士芬學問優長品行醇正着准其入祀著有漱芳閣詩文稿弟士蘭字香畹庠生官福建沙縣連城縣知縣子元錫字伯蕃江蘇補用道署上海同知時賊陷平邑戚友之避難流寓者憫恤

## 平湖縣志

### 卷十六

人物 列傳一

三十九

倍至瀛錫字仲萊道光己酉順天舉人兩淮候補運判申錫自有

傳

新纂

陸炯字戒三號篋村嘉慶庚辰進士改翰林院庶吉士散館授湖北公安縣知縣歷任黃岡光化均州署武黃同知所至有循聲興建書院獎勵士林分校鄉闈尤稱得士任縣令時有某宦豪橫每遇巨案匿首於家上官束手無策炯一日過市適某糾眾行詢輿夫識其人喝役擒莫應急親率二丁拏回訊禁一邑稱快丁艱服闋授四川綿竹知縣署巫山旋解組歸炯淹貫經史於六書尤精邃著有音義叶通說文類編生平酷好硯收藏甚富有所得輒爲

之銘云年七十六卒於家

新纂

陸沅字冠湘號芷江父錫麒優貢生主講當湖書院沅生而穎異

甫十歲卽已徧誦十三經及史漢文選諸書舉嘉慶辛酉鄉試年僅十有七庚辰成進士改翰林院庶吉士授雲南祿豐縣知縣調順甯丁父憂服除授河南甯陵縣知縣甯陵地瘠民貧又當孔道凡解餉解犯及采辦硝磺所需車馬夫役均輸自民間沅至悉捐廉官僱是時銀價貴州縣徵解錢糧苦賠累鄰邑輒籌增益沅獨持不可曰此加賦也民卽勉應於心安乎調署內黃內黃爲通省糧艘開兌之區稽察繁劇沅酌定辦漕章程一一親自覈實積習一清尋回本任以疾請假囊橐蕭然未及歸卒著有蒔桂堂詩集

新纂

奚澄字映川號蘭巖少孤貧攻苦力學由副貢領嘉慶辛酉鄉薦道光壬午始成進士以知縣分發直隸值正定等府州大水委勸

平湖縣志

卷十六

人物 列傳一

四十

放賑觸暑單車不辭勞瘁補新城知縣村民有抱病遠歸是夜刀傷暴卒澄素精岐黃知爲扣頸傷寒痛極自刃絕不累及無辜民皆稱之後以罣誤去旋選廣東平遠知縣縣在萬山中民多毀墓爭地事澄諭以利害此風遂息未幾忤上官歸澄湛深經術著有十三經註疏彙考爲同年羅文俊侍郎攜去惜家無副本可徵焉

新纂

徐應照字鑑堂號秋曉道光癸未進士以知縣分發廣東攝陽江授高明調南海補番禺番禺繁劇與南海等前令所虧鉅萬力任之值委勘東莞民爭溝械鬪案巡撫令營弁率兵從輒先弁馳往至則民間應照來皆釋械聽斷遂開其溝溝有船焉兩造曲直分訟遂息粵東海汊遼濶潮來沙漲豪富佔墾數年卽請升科由是

互相爭奪釀成鬪案應照力陳升科之弊時論躓之番禺城外有  
被刦者營弁擒交數盜見有火焰滿身鞫之不實翌日衙參巡撫  
以巨盜已獲問應照曰未也拂憲意辭出越三日卒獲眞盜尋陞  
佛山同知因親老告歸在家二十餘年凡賑荒籌餉修城建橋諸  
義舉無不首先樂輸雖數千金不吝鄉人德之卒年七十八子鼎  
基字燮齋號梅伯性孝謹能自刻苦援例授同知以父年高不仕  
粵逆平襄辦善後任勞任怨家業素豐遭兵劫後不恤毀家於捐  
修 文廟諸舉獨能率弟姪輩爲之倡旋以勞瘁卒新纂  
陸嗣淵字笠亭號沅鄉善作文工楷法性嗜飲豪邁不羈由副貢  
領癸酉順天鄉薦六上春闈至道光癸未始成進士歷任福建順  
昌泰甯崇安建甯等縣知縣催科政拙降補水口掣驗關大使復  
罷上官憐之延主汀州龍山書院道光甲辰卒於閩年六十九新纂  
錢福昌原名攀龍字超衢號辰田舉人祖亮子幼穎悟篤志於學  
工制舉業舉道光戊子鄉試第四明年成進士  
殿試一甲第二名授翰林院編修蒙

成皇帝學問優長寫作俱佳之褒辛卯充江西副考官擢廣西學政丁父  
憂服除授江西道監察御史轉掌貴州道擢河南學政中州故文  
物邦而積弊亦較他省爲甚福昌按試各屬約束書吏儉從爲尤  
嚴並飭教官月課必申解到院以憑核實試既竣集各學之文行  
兼優者來署面試並捐廉優給膏火以爲獎勵一時士習大振擢  
魏科者相繼先是己亥秋福昌方試歸德奉

廷寄飭查衛輝府汲縣邪教福昌局試如常而密令弟祐昌與子鎮奎

爲商人裝廉得實

旨嘉獎特擢內閣侍讀學士任滿歸省以母老不復出卒於家

新纂

程恩溥字伊齋道光辛巳舉人以大挑知縣分發江蘇入讞局平

反巨案中丞林文忠器重之厯署新陽鎮洋知縣新陽武生某雄

踞一鄉人畏之莫敢發始下車得其不法事擒治之論如律鎮洋

學宮久圯葺而新之劉河爲海口要隘沙易停積恩溥集夫疏濬

商民咸獲其利旋補婁縣婁與浙之嘉善接壤劇盜顧雙喜有眾

數百人肆行劫掠官弁束手恩溥授計捕獲并逮其黨十餘人置

諸法盜風始息尋致仕歸家居十年不改寒素卒年八十二

新纂

鮑錫年字兆豐號介堂幼聰穎年十四卽補博士弟子員道光壬

午舉於鄉屢上春官未獲雋考補國子監學正旋陞助教庚子成

平湖縣志

卷十六

人物 列傳一

四十二

進士以知縣分發福建厯署南靖南平順昌等縣旋補甯化縣知

縣均有政聲厯充癸卯甲辰丙午鄉試同考官稱得士庚戌丁母

憂未及歸葬哀毀成疾卒其子應荃扶兩榾歸貧無以葬焉

新纂

卜葆鈞字尹甫號達庵邑廩生試輒冠其曹由副貢領道光己亥

鄉薦庚子成進士以知縣分發四川癸卯署彭山縣知縣旋入讞

局多所平反年餘結疑獄數十案甲辰題補大邑邑北界西藏號

稱難治甫下車卽講行保甲令民家置器械以備非常復約鄰封

互相搜捕因獲巨盜二十餘人悉置之法盜風用戢逾年卒年四

十三邑人思之祠於靜惠山之平雲亭亭故祀范鎮陸游而以葆

鈞配焉葆鈞少工舉業遊其門者前後百餘人脩脯所入能周戚

黨緩急與弟葆鈞同居無間言里人稱之

新纂

張金鏞原名敦崔字良甫號海門拔貢生道光戊子順天舉人辛丑成進士改翰林院庶吉士散館授編修丙午暨咸豐壬子兩充順天鄉試同考官旋充

寅錄館纂修乙卯充山西鄉試正考官尋擢湖南學政丁巳陞翰林院侍講以母憂歸遂卒金鏞早擅文譽京朝耆碩交口推重道咸間王文恪杜文正皆其座主而絕不私謁居館職十三年不遷敝車羸馬自得也爲文博儷斧藻晚益峭宕而微會於駢散奇偶之通詩好深湛思出入

國初東南諸老間而參諸唐宋尤深於詞姜夔爲宗以博涉於兩宋諸家歷持文柄以風教爲先試沅州日表黔烈女楊投水處移牒郡守爲雪其冤犯者斯得手爲文以紀之其維持名教也如此著

### 平湖縣志

#### 卷十六

人物 列傳一

四十三

有躬厚堂詩文集絳跗山館詞

新纂

吳若準字子萊號次平父元凱列孝友傳若準由戶部額外員外中道光辛丑進士實授河南司員外郎擢江南道監察御史婁縣知縣因信任漕胥催徵不善毆斃民命幾及百人時議以民聚眾滋事從寬定罪若準抗疏歷詆其妄奸吏得以伏法咸豐癸丑擢禮科給事中尋陞內閣侍讀學士

賞給三品頂戴故事請

旨簡放學政未預考差者例不列名至是特擢江西學政蓋異數也在任

陞太僕寺卿以疾卒

新纂

何紹瑾字蓮友號藹卿道光辛丑進士授吏部文選司主事爲尙書恩桂所器重訪以時事直言無隱壬寅英夷滋事座主參贊大

臣文蔚督辦浙東軍務奏請從事紹瑾隨旆南來途陳十策皆戰守之要有沮之者不果行乃請假入都供職十年勤慎自矢旋丁父憂歸葬畢結廬墓傍督課諸子服闋後京洛故人致書勸駕終不出晚歲主講觀海書院及粵匪陷平湖憂憤成疾卒新纂

朱善驥字子良漕運總督爲弼子道光乙未舉人選山東濤碓場鹽大使秩滿陞福建順昌知縣縣多盜設法散其黨捕爲首者誅之盜風熄旋陞馬巷通判大吏重其才留之省歷署閩縣侯官知縣調福防同知獲艇匪海氛以靖旋卒於官平生好論文雖任繁劇每試必親自校閱故所得皆知名士子之穀字稼生福建候補通判精勤幹練署連江知縣有政聲總督左宗棠統師入閩飭襄營務旋署南靖兵燹之餘差徭絡繹之穀請由官酌撥及界而止

平湖縣志

卷十六

人物 列傳一

四十四

兵勇有不遵者嚴懲之民得稍息營中有攜帶婦女者之穀言於統兵藩司王德榜按營搜剔遞回原籍婦女賴以保全以積勞卒於官年僅二十九新纂

朱善張字子弓號山泉贛縣知縣爲霖子少孤貧道光壬寅海疆

不靖以附生倡團練衛鄉里敘南河通判題補桃源尋

賞加知府銜咸豐甲寅以平徐海各屬擒匪功

賞花翎陞裏河同知尋以道員用復

賞加鹽運使銜擒首張澂踞長淮鹽道爲梗善張乘夜潛達臨淮克之焚

賊船三十餘粵匪陷天長犯蔣壩善張馳剿破之殲其渠以功

賞庫木勒濟特依巴圖魯名號尋署淮揚道移駐揚州時揚已三遭蹂躪

甫集流亡賊復大至善張誓以死守賊攻益力再至再卻卒不得

逞己未賊首陳玉成復率悍黨數十萬來犯善張屢挫其鋒會援兵至合擊大破之自夏迄冬卒保揚城尋

賞加二品頂戴授淮揚道捻匪陷清江善張復其城移駐清江諭民堅壁清野賊始困同治癸亥改授淮徐揚海道兼辦徐州糧臺復會攻賊於睢甯縣境大破之會僧王剿賊苗沛霖於蒙城善張由間道輸饟以濟苗逆平徐境獲安甲子秋督兵赴沛剿辦畝匪攻破兩圩以疾卒於軍

賜祭葬贈右都御史銜蔭一子之榛知州入祀鄉賢祠弟善寶字子玉官江甯府督糧同知駐常州庚申城陷死之

卹贈雲騎尉世職

新纂

王大經字曉蓮少受業於方垌之門學大進以優貢領道光癸卯

### 平湖縣志

#### 卷十六

人物 列傳一

四十五

鄉薦五薦春闈不售遂以謄錄知縣揀發安徽時粵匪陷安慶巡撫福濟駐軍廬州聘襄戎幕章奏文檄多出其手福濟深器之適捻匪李兆受自六安竄甯池道何桂珍敗之霍山兆受窮蹙乞降願自備糗糧剿賊大經曰兆受安所得糧必將肆掠不能禁則禍在民禁之則禍及已禍民不仁禍己不知不仁不知君子不爲也桂珍不能用卒爲所害在淮營六年累功擢道員尋乞假歸蘇常失陷後巡撫李鴻章奏留江蘇委以鹽釐諸局務裕課通商軍民稱便迨克復後敘功加鹽運使銜

賞戴花翎同治乙丑署江蘇按察使旋署布政使丁卯補江安糧道三次海運有功

賞二品頂戴庚午試辦河運運河爲黃流衝突自安山至八里廟潰鱗

次櫛比急流奔注挾風更洶湧督舟力挽以六十里程歷半月始達而張秋以北則又中泓如線淺不勝舟百計濬治迄無濟僚屬束手大經力排眾議轉至臨清又水運至倉卒持定力以濟時曾文正方再督兩江卽以治行優異薦是年擢湖北按察使詰劣弁誅莠民奸宄讐服再署布政使光緒己卯拜真除之命鄂本瘠區自胡文忠爲巡撫時軍實無出輒取之鹽課釐金迨鄂平而天下多故遂用以協黔省餉西師加以晉饑告賑羽書絡繹大經悉心籌畫時其緩急以調劑之終任協濟無缺而庫藏反溢巨萬尋乞病歸生平好行善舉以敬宗收族爲先嘗創建宗祠復置田千畝購宅一區爲義莊大吏入告蒙御書舊德先疇匾額以

平湖縣志

卷十六

人物 列傳一

四十六

賜旋以疾卒年七十有五著有哀生閣初集四卷續集二卷

新纂

徐申錫字叔成號勉如戶部侍郎士芬三子道光丁未進士改翰

林院庶吉士散館授編修己未充順天鄉試同考官同治癸亥充

教習庶吉士丙寅大考二等擢詹事府右春坊右贊善轉左因

本紀告成史館議敘開缺以知府用遂南旋寓居上海兩江總督李鴻章

檄辦捐釐總局然非其志也申錫文詞敏贍而性尤鯁直其在館

時值恭纂

顯皇帝實錄

本紀並恭校

聖訓申錫所編輯最多而謹慎備至故疊荷優敘並

賞賚銀幣同治丁卯京畿亢旱申錫應



詔陳言有積倉穀練旗兵汰冗員一疏而積倉穀一事議准施行平淡於名利絕不妄交一人及居滬上閉門卻掃人不敢干以私以怔

仲疾卒

新纂

張炳堃原名瀛臯字鶴甫號鹿仙道光丁未進士改翰林院庶吉士散館授編修乞養歸事畢適粵匪擾浙慨然從戎遂以道員分發湖北總督李鴻章巡撫曾國荃深相器重委辦局務者有年同治癸酉光緒丙子兩權督糧道篆正供無缺而民不罷勞旋告歸卒年六十八炳堃少好學工詩文與兄金鏞齊名人有雙丁二陸之目天性純厚旋里後與諸兄弟朝夕聚處依依如童稚時適知縣彭潤章勸民積穀炳堃首爲之倡一舉而儲穀萬石水旱賴以

有備云

新纂

平湖縣志

卷十六

人物 列傳二

四十七

謝榮照字春生號琴石拔貢生授禮部主事累擢員外郎郎中供職十六年無日不講求部務同治甲子奉

旨記名以御史用旋授廣西思恩府知府適逆賊孫仁廣聚眾數萬盤踞南甯府屬之山澤巡撫張凱嵩統師進剿餉精支絀奏委籌餉粵東得以協濟無缺竣旋營逆賊尙負嶠抗拒又奉委帶勇攻剿拔賊寨孫逆授首

賞戴花翎丁卯履思恩任思郡遭兵燹後人煙寥落榮照廣爲招徠民皆復業遂建義學造倉廩課農桑清詞訟民皆懷之屬邑上林有逆團李耀林者私設釐卡劫殺民命擒斬之復獲馬亮何源海等皆陷城巨寇置諸法戊辰逆匪王沅虧糾眾竄人武緣縣境督眾討平之己巳調桂林壬申擢右江道旋署按察使時廣西久經兵革

各州縣審理詞訟未能盡得其平榮照通飭各屬按月詳報是以絕少枉縱癸酉署鹽法道悉心籌畫課額無缺巡撫劉長佑保奏

賞加二品銜甲戌以勞瘁卒於任

新纂

倪寶璜字渭生號載軒道光己酉順天舉人以知縣揀發江蘇咸豐甲寅署川沙廳同知邑甫經殘破十室九空寶璜捐貲守城並練義旅以壯聲威廣匪不敢逞有高金毛者乘間嘯聚東鄉擒斬之旋署武進兼攝常州府督糧通判武進通江等五鄉錢漕甲一邑民多逋賦寶璜核減漕價民感動爭先輸納遂保陞同知尋晉知府壬戌總辦常州團練癸亥通州教匪盛廣大等謀勾結髮逆渡江北竄寶璜盡擒之殲其渠

賞戴花翎甲子充江南鄉試內收掌會同考官鄧澤培病寶璜代閱試卷

平湖縣志

卷十六

人物 列傳一

四十八

得吳大澂等十七人皆績學士寶璜任事勤慎總督李鴻章深加器重歷保至道員加布政使銜節相曾文正奏委清理江南北各屬沙洲正疆界息爭訟民甚賴之庚午充江南文武鄉試監試官

乙亥以疾卒

新纂

鍾鼎勳字琴齋由副貢生授內閣中書俸滿以同知用分發江蘇署蘇州總捕同知時江浙全陷遍地賊氛鼎勳繞道至長洲縣之永昌鎮會集紳民激以大義築壘固守粵逆來攻力卻之民賴以安蘇省克復後敘功

賞戴花翎並加知府銜旋於海運案內保陞知府以勞瘁卒

新纂

孫錦字少山號曉蘭咸豐辛亥舉人以揀選知縣委辦江北團練並江南團練晝夜巡防始終罔懈歷辦江陰沙洲統捐無錫四河

釐捐商民悅服蘇軍會克湖州後敘功加同知銜

賞戴藍翎留於江蘇補用旋卒於黃埠墩差次

新纂

屈傳銜字品陞號冰卿少孤事母孝筆耕以供甘旨文思敏捷不加點竄斐然可觀歲科校屢列前茅而尤精於古學從遊者以什伯計得其指授往往掇巍科以去咸豐戊午膺鄉薦光緒丙子成進士以知縣分發陝西忽遭疾歿於差次士林惜之

新纂

朱壽熊字仲辛號蘭階清河道壬林子幼承庭訓聰穎好學年十五補博士弟子員旋食餼同治丁卯舉於鄉光緒丁丑成進士改兵部主事勤慎奉公不事干謁左宗棠入贊綸扉兼掌樞部一見卽器重之在京供職八年忽得咯血症乞假歸遂卒爲人樸實渾厚藹然可親善讀史厯朝掌故畸人軼事人所弗能舉者悉爲津

平湖縣志

卷十六

人物 列傳一

四十九

津道之嘗以趙宋一代科目最繁因詳攷正史雜取他書訂宋貢舉考畧八卷又未編者若干卷亦足見其史學之甚深矣

新纂